



Na osnovu Budžeta općine Ilijaš za 2013.godinu broj:01/1-02-548-4/13, člana 8., 25. i 26. Odluke o izvršavanju Budžeta općine Ilijaš za 2013.godinu broj:01/1-02-548-5/13, («Službene novine Kantona Sarajevo», broj:14/13), Pravilnika o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta općine Ilijaš broj:07-40-730/13 i prijedloga Komisije za kulturu i sport Općinskog vijeća Ilijaš, Općinski načelnik donosi:

ODLUKU
O RASPODJELI FINANSIJSKIH SREDSTAVA IZ TEKUĆEG GRANTA
ZA PROGRAME IZ OBLASTI KULTURE KOJI SE FINANSIRAJU I SUFINANSIRAJU
SREDSTVIMA BUDŽETA OPĆINE ILIJAŠ ZA 2013. GODINU

Član 1.

Ovom Odlukom odobrava se finansiranje i sufinansiranje programa iz oblasti kulture sredstvima Budžeta općine Ilijaš za 2013. godinu u iznosu od 21.000,00 KM (dvadesetjednihiljada KM).

Član 2.

Raspodjela finansijskih sredstava iz člana 1. ove Odluke izvršit će se na sljedeći način:

Red. br.	Naziv programa / UDRUŽENJE IZ OBLASTI KULTURE – NOSIOC REALIZACIJE PROGRAMA	ODOBRENO KM ZA 2013.
1.	Unaprijeđenje rada kroz jačanje sekcija: Ansambl duhovne muzike, folklor, izdavačka djelatnost / BOŠNJAČKA ZAJEDNICA KULTURE “PREPOROD” U BIH- OPĆINSKO DRUŠTVO ILIJAŠ	10.000.00
2.	Uređenje Bosanske sobe / UDRUŽENJE ZA UNAPRIJEĐENJE I RAZVOJ KULTURNE BAŠTINE U BIH “ZLATNE RUKU” ILIJAŠ	4.000,00
3.	Njegovanje folklorne baštine naroda BiH / UDRUŽENJE “KULTURNO-UMJETNIČKO DRUŠTVO “ILIJAŠ	7.000,00
	UKUPNO:	21.000,00

Član 3.

Svi transferi prema udruženjima iz oblasti kulture koja se finansiraju i sufinansiraju sredstvima Budžeta općine Ilijaš u 2013.godini, izvršeni do stupanja na snagu ove Odluke, uključeni su u raspodjelu finansijskih sredstava iz člana 2. ove Odluke.

Član 4.

Transfer novca vršit će se mjesečno na osnovu Zahtjeva udruženja iz oblasti kulture proisteklih iz terminskih planova i obaveza tih udruženja. Zahtjevi sa izvještajem o utrošku prethodno dodjeljenih sredstava, sa pratećom validnom finansijskom dokumentacijom, dostavljaju se općinskoj Službi za društvene djelatnosti, najkasnije do 25. dana tekućeg mjeseca.

Član 5.

Služba za društvene djelatnosti će do 5. dana narednog mjeseca dostavljati prijedlog transfera sredstava udruženjima iz oblasti kulture za prethodni mjesec, nadležnoj Službi za privredu, finansije i investicije općine Ilijaš, koja će transfere vršiti u skladu sa prilikom budžetskih sredstava

općine Ilijaš.

Do 01.07.2013. godine može se realizovati do 50% planiranih sredstava.

Član 6.

Općinski načelnik može vršiti korekciju plana sredstava za navedene korisnike u toku godine shodno izvršenju Budžeta općine Ilijaš, a na osnovu kvartalnih izvještaja o njegovom izvršenju.

Član 7.

Budžetski korisnici navedeni u članu 2. ove Odluke dužni su tromjesečno dostavljati pisane Izvještaje o utrošku dodjeljenih sredstava Službi za privredu, finansije i investicije koja sačinjava Informaciju o izvršavanju Budžeta za Općinsko vijeće.

Član 8.

Udruženja iz oblasti kulture kojima se odobravaju sredstva, dužna su dostaviti završni račun za 2012.godinu ovjeren od AFIP-a, održati izvještajne skupštine do 31.maja 2013.godine i dostaviti zapisnik sa skupštine, izvještaj o radu i finansijski izvještaj za 2012.godinu, odluku o usvajanju izvještaja i program rada za 2013.godinu.

U slučaju nepoštivanja odredbi iz stava 1. Općinski načelnik svojom Odlukom zaustavlja finansiranje za tekuću godinu.

Član 9.

Za realizaciju ove Odluke zadužuju se Služba za privredu, finansije i investicije i Služba za društvene djelatnosti općine Ilijaš.

Član 10.

Ova Odluka stupa na snagu danom donošenja, a primjenjivat će se za fiskalnu 2013. godinu.

Broj: 01/2-14-1003/13
Ilijaš, 21.05.2013.godine

OPĆINSKI NAČELNIK

Akif Fazlić, dipl.ecc.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE, d.d. Sarajevo: 160200000710645
e-mail o_ilijas@bih.net.ba



Broj certifikata: CR14625Q